



Në bazë të Nenit 4 të Rregullores për mënyrën, kushtet, kriteret dhe procedurën e ndarjes së mjeteve financiare për zbatimin e ngjarjeve, festivaleve, manifestimeve, projekteve dhe aktiviteteve të projekteve në fushën e zhvillimit ekonomik lokal nr. 08-775/1 data 26.01.2026, dhe në lidhje me Programin për aktivitetet në fushën e zhvillimit lokal ekonomik të Qytetit të Shkupit për vitin 2026 ("Lajmëtari Zyrtar i Qytetit të Shkupit" nr. 14/25, 3/26 dhe 6/26), Qyteti i Shkupit shpall:

THIRRJE PUBLIKE
për ndarjen e mjeteve financiare për realizimin e manifestimit
"Festivali i Xhazit Shkup"

1. LËNDA

1.1. Lënda e Thirrjes Publike është ndarja e mjeteve financiare për realizimin e manifestimit "Festivali i Xhazit Shkup" me qëllim zhvillimin, promovimin, mbështetjen dhe avancimin e turizmit dhe hotelerisë me rëndësi të jashtëzakonshme për qytetin e Shkupit për vitin 2026.

2. E DREJTA PËR PJESËMARRJE NË THIRRJEN PUBLIKE

2.1. Të drejtë pjesëmarrjeje në Thirrjen publike kanë të gjitha shoqatat civile, fondacionet, federatat, institucionet, shoqëritë tregtare, agjencitë e specializuara në "Mystery shopping" dhe agjencitë e marketingut, dhomat e zejtarisë, shoqatat e qytetarëve dhe klubet e regjistruara në Regjistrin Qendror të Republikës së Maqedonisë së Veriut me seli në Shkup, në përputhje me Ligjin për Shoqatat dhe Fondacionet dhe Ligjin për Shoqëritë Tregtare.

3. MËNYRA E SHPËRNDARJES SË MJETEVE

3.1. Mjetet financiare për realizimin e manifestimit "Festivali i Xhazit Shkup" janë siguruar në Buxhetin e Qytetit të Shkupit për vitin 2026.

3.2. Përdorimi i mjeteve të ndara do të rregullohet me kontratë të lidhur ndërmjet Qytetit të Shkupit dhe aplikantit i cili i plotëson kushtet themelore dhe kriteret e veçanta të përcaktuara në Rregulloren për mënyrën, kushtet, kriteret dhe procedurën e ndarjes së mjeteve për realizimin e eventeve, festivaleve, manifestimeve, projekteve dhe aktiviteteve të projektit në fushën e zhvillimit lokal ekonomik.

4. KRITERE THEMELORE DHE TË VEÇANTA

4.1. Kriteret themelore dhe të veçanta dhe metoda e pikëzimit për përzgjedhjen e aplikantëve janë të përcaktuara në Rregulloren për mënyrën, kushtet, kriteret dhe procedurën e ndarjes së mjeteve financiare për realizimin e eventeve, festivaleve, manifestimeve, projekteve dhe aktiviteteve të projekteve në fushën e zhvillimit lokal ekonomik nr. 08-775/1 data 26.01.2026 e publikuar në faqen e internetit të Qytetit të Shkupit.

5. DOKUMENTACIONI I NEVOJSHEM TE CILIN APLIKANTI DUHET TA DEPOZITOJË ME APLIKIMIN

5.1. Për të marrë pjesë në Thirrjen publike, aplikanti duhet të depozitojë dokumentacionin e mëposhtëm:

- Aplikim i plotësuar me shkronja shtypi në alfabetin cirilik, i nënshkruar nga personi kompetent dhe i vërtetuar me vulën e aplikantit (aplikimi do të publikohet në ueb-faqen e Qytetit të Shkupit: www.skopje.gov.mk);
- Gjendja aktuale nga Regjistri Qendror i Republikës së Maqedonisë së Veriut ose Aktvendimi për regjistrimin e personit juridik me seli në Shkup;
- Deklaratë e nënshkruar për shlyerjen e detyrimeve ndaj Qytetit të Shkupit (tatime, taksa komunale);
- Vërtetim se nuk ka ndalim për pjesëmarrje në procedurat e thirrjeve publike, dhënien e kontratave të prokurimit publik dhe kontratave për partneritet publik privat (Regjistri Qendror i Republikës së Maqedonisë së Veriut);
- Projekt propozim i përgatitur me shkronja shtypi në alfabetin cirilik;
- Plan financiar i plotësuar me shkronja shtypi në alfabetin cirilik

6. DOKUMENTACIONI SHOQËRUES

6.1. Aplikantët të bashkëngjitur duhet të depozitojnë edhe dokumentacionin shoqërues të mëposhtëm:

- biografi profesionale e ekspertëve që do të angazhohen në realizimin e festivalit,
- portofoli profesional – përshkrim i përvojës dhe aftësive organizative,
- të paktën dy mendime/referenca nga partnerë apo donatorë për realizimin e festivaleve të mëparshme,
- mbështetje me shkrim nga organizata apo institucione të tjera që planifikohen të marrin pjesë në realizimin e festivalit dhe
- plani i marketingut i festivalit.

7. MËNYRA E REALIZIMIT TË THIRRJES PUBLIKE

7.1. Për të përcaktuar plotësimin e kushteve themelore dhe kriterëve të veçanta për ndarjen e mjeteve financiare të përcaktuara në Rregulloren për ndarjen e mjeteve financiare për realizimin e manifestimit **"Festivali i Xhazit Shkup"**, kryetari i Qytetit të Shkupit formon Komisionin për zbatimin e Thirrjes publike për ndarjen e mjeteve financiare për realizimin e manifestimit "Festivali i Xhazit Shkup" (në tekstin e mëtejshëm: Komisioni).

7.2. Aplikimet që janë të paplota, të depozituara jo në kohë dhe nuk i plotësojnë kushtet dhe kriteret në përputhje me Nenin 11 të Rregullores për mënyrën, kushtet, kriteret dhe procedurën e ndarjes së mjeteve financiare për realizimin e eventeve, festivaleve, manifestimeve, projekteve dhe aktiviteteve të projekteve në fushën e zhvillimit lokal ekonomik nr. 08-775/1 të datës 26.01.2026, Komisioni i refuzon me Konkluzion.

7.3. Për aplikimet e plota, të depozituara në kohë dhe që plotësojnë kushtet bazë dhe kriteret e veçanta të përcaktuara në Rregullore, Komisioni depoziton propozim pranë kryetarit të Qytetit për përzgjedhjen e aplikantit për ndarjen e mjeteve financiare për realizimin e manifestimit.

7.4. Kryetari i Qytetit të Shkupit, në afat prej 15 ditësh nga data e miratimit të propozimit të Komisionit, do të miratojë Aktvendim për ndarjen e mjeteve financiare për realizimin e manifestimit "Festivali i Xhazit Shkup".

Vërejtje:

- **Aplikimet me dokumentacion të paplotë ose të depozituara pas përfundimit të afatit të parashikuar nuk do të shqyrtohen! Bashkëngjitjet e depozituara nuk kthehen.**
- **Çdo aplikant mund të depozitojë vetëm një aplikim për Thirrje publike të shpallur.**

8. AFATI DHE MËNYRA E DEPOZITIMIT TË APLIKIMEVE

8.1. Afati i fundit për depozitimin e aplikimeve është 5 (pesë) ditë nga data e publikimit të Thirrjes publike.

8.2. Aplikimi për ndarjen e mjeteve financiare për realizimin e festivalit "Festivali i Xhazit Shkup" me të gjithë dokumentacionin duhet të dorëzohet në zarf të mbyllur nëpërmjet Arkivit të Qytetit të Shkupit, çdo ditë pune ose në adresën e mëposhtme: Qyteti i Shkupit, Sektori për Zhvillim Lokal Ekonomik, bul. Ilinden nr. 82, 1000 Shkup (me shënimin - Sektori për Zhvillim Lokal Ekonomik - Aplikim për Thirrje publike për ndarjen e mjeteve financiare për realizimin e manifestimit "Festivali i Xhazit Shkup").

8.3. Aplikantët e Thirrjes publike do të njoftohen për rezultatet brenda 15 ditëve nga dita e përfundimit të Thirrjes publike.

8.4. Dokumentacioni i plotë, aplikimi për mbështetje financiare, përmbajtja, kushtet dhe kriteret themelore/të veçanta (bashkëngjitje të aplikimit) dhe plani financiar për projektin janë në dispozicion në ambientet e Qytetit të Shkupit, Sektori për Zhvillim Lokal Ekonomik, baraka nr.6, çdo ditë pune dhe në faqen e internetit të Qytetit të Shkupit: www.skopje.gov.mk.

8.5. Pyetje sqaruese mund të depozitohen me shkrim ose në rrugë elektronike pranë Sektorit për Zhvillim Lokal Ekonomik.

Tel. kontaktues: (02) 3297-284 dhe adresa email: Rukije.Zekiri@skopje.gov.mk; Biljana.Stojmanovska@skopje.gov.mk



QYTETI I SHKUPIT